

## Terenga 5: Hōtaka 18 – Te pūmuri ‘mai’ hei whakarārangi

### He Mihi

Kei ngā pūhui pua manahua o ngā kāri o te motu, tukuna mai te kakara me te waihonga o ngā hua, kia piri tahi ai tātou i tēnei tinaku o te reo Māori.

### Hei Mahi Whakarongo

Ko Poia Rewi te kaikōrero i roto i te kiriata poto o te rangi nei, me ana whakamārama e pā ana ki tētehi whakataukī onamata e hāngai tonu ana ki ēnei wā nei.

### Anei ngā pātai hei whakautu mā koutou:

- 1) He kupu whakarite te 'kupenga whīwhiwhi' mō te aha?
- 2) He aha ngā huarahi e rua i kōrerohia rā e Poia?
- 3) Ki te kore e taea e koe te raruraru te whakatika, me aha kē te tangata, hei tāna?

Kia whakarongo tātou ki tēnei uri o Ngāti Manawa.


### He Whakamārama

He momo pū te kupu ‘mai’ ka noho ki muri i te tūingoa hei whakataki i ngā momo rerekē i roto i te huinga/rōpū kotahi. Koia e kīia nei he pūmuri. Tirohia te taura e whai ake nei:

1. Ahakoa kaupapa here **mai**, mātāpono **mai**, ture **mai**, aha kē **mai**, ka whāia e rātou.
2. Tokomaha tonu i tae mai ki te hui, Māori **mai**, Tauīwi **mai**, kaumātua **mai**, rangatahi **mai**.

### He Mahi Ī-papa

Whakamāorihia ngā kōrero kei runga i ngā ĩpapa



### Hei Mahi

Whakatikaina te takoto o ngā kupu i roto i ngā renanu e whai ake nei. Kua tārarotia te kupu tuatahi.

1. mai Haria mai hāpiapia ngā mai mai kutikuti pene pepa mai taputapu
2. mai waiata He apakura mai pātere mōteatea rangona mai maha ngā i
3. hoki te mai Nau whanaunga mai hui ki tātou mai kaimahi
4. reo Tukuna mai te ōpaki kia mai rere ōkawa

### Whakautu:

- Mahi ĩ-papa: Me tiaki ā tātou mahi toi, raranga mai, whakairo mai, whaikōrero mai, tā moko mai, aha mai.
1. Haria mai ngā taputapu, kutikuti mai, pene mai, pepa mai, hāpiapia mai.
  2. He maha ngā waiata i rangona, mōteatea mai, pātere mai, apakura mai.
  3. Nau mai tātou ki te hui, kaimahi mai, whanaunga mai hoki.
  4. Tukuna te reo kia rere, ōkawa mai, ōpaki mai.